

*Bosna i Hercegovina*  
*Federacija Bosne i Hercegovine*  
**ZENIČKO-DOBOJSKI KANTON**  
**OPĆINA MAGLAJ**  
**OPĆINSKO VIJEĆE**



*Bosnia and Herzegovina*  
*Federation of Bosnia and Herzegovina*  
**ZENICA – DOBOJ CANTON**  
**MAGLAJ MUNICIPALITY**  
**MUNICIPAL COUNCIL**

## **PRIJEDLOG**

Na osnovu člana 28. Zakona o principima lokalne samouprave („Službene novine Federacije Bosne broj: 51/09), te člana 30.stav 1. u vezi sa primjenom člana 66 stav 2.,3.i 4. Statuta Općine Maglaj („Službene novine Općine Maglaj“, broj: 8/07,3/08 i 6/08) shodno primjenjujući Zaključak Općinskog Vijeća broj: 02-05-1-1627/17 od 07.07.2017. godine ,Općinsko vijeće donosi:

## **O D L U K E**

### **o postupku, rokovima i uslovima/uvjetima provođenja Izborâ kao i utvrđivanju rezultata izbora za članove Vijeća mjesnih zajednica na području Općini Maglaj**

#### **POGLAVLJE I OSNOVNE ODREDBE**

##### **Član 1.** **(Predmet Odluke )**

- (1) Ovom Odlukom utvrđuju se postupak, rokovi i uslovi provođenja izbora u mjesnim zajednicama na području Općine Maglaj kao i ovlaštena tijela koja utvrđuju načini provođenja izbora za članove Vijeća mjesnih zajednica te druge postupke u provođenju istih.

#### **Izbora za članove Vijeća mjesnih zajednica**

##### **Član 2.** **(Značenje pojmova)**

- (1) Pjmovi upotrebljeni ovom Odlukom imaju slijedeće značenje :

Članovi Vijeća mjesne zajednice su predstavnici građana mjesnih područja izabrani neposrednim, tajnim glasanjem, sa mandatom, pravima i obavezama propisanim Statutom i ovom Odlukom .

## **POGLAVLJE II .CILJEVI, NADLEŽNOSTI**

### **Član 3. (Cilj Odluke )**

- (1) Izbori za članove Vijeća mjesnih zajednica (u daljem tekstu:Vijeće mz) , obavezno se održavaju , u roku od godinu dana po održavanju izbora za Općinsko vijeće.

### **Član 4. (Mandat članova Vijeća)**

- (1) Mandat članova Vijeća mz traje 4 (četiri) godine.

### **Član 5. (Broj članova Vijeća mz)**

- (1) Ukupan broj članova Vijeća mz i broj članova Vijeća po mjesnim područjima utvrđuje se Odlukom o osnivanju i organizaciji mjesnih zajednica, uvažavajući broj stanovnika mjesne zajednice i mjesnih područja u sastavu mjesne zajednice s tim da ukupan broj članova Vijeća ne može biti manji od pet ni veći od devet članova u njenom sazivu datog mandata.

## **POGLAVLJE III.ORGANIZACIJA I RUKOVOĐENJE IZBORNIM PROCESOM**

### **Član 6. (Raspisivanje izbora u mz)**

- (1) Izbore za članove Vijeća mjesne zajednice raspisuje Općinsko vijeće.
- (2) Izbore za članove Vijeća mjesne zajednice organizuje i provodi Izborna komisija/Izorno povjerenstvo mjesnih zajednica koju imenuje Općinsko vijeće, a koju obavezno čine predstavnici političkih subjekata zastupljenih u Općinskom vijeću Maglaj, (u daljem tekstu: Izborna komisija/Izorno povjerenstvo).
- (3) Mandat članova Izborne komisije/Izbornog povjerenstva mjesnih zajednica traje 4 (četiri) godine, sa pravom ponavljanja mandata jedanput.
- (4) Izborna komisija/Izorno povjerenstvo mjesnih zajednica ima pravo naknade za rad u izornoj godini Vijeća mjesnih zajednica.
- (5) Rok za imenovanje Izborne komisije/Izbornog povjerenstva je 60 dana računajući od dana stupanja na snagu ove Odluke.

**Član 7.**  
**(Zadatak Izborne komisije/povjerenstva)**

- (1) Izborna komisija/Izorno povjerenstvo imenuje biračke odbore, izdaje uputstva za njihov rad i određuje broj i raspored biračkih mjesta na području mjesne zajednice, osigurava odgovarajuće glasačke kutije, glasačke listiće i izvode iz biračkog spiska za navedenu MZ

**Član 8.**  
**(Principi provođenja izbornog procesa)**

- (1) Izbori za članove Vijeća mjesne zajednice provode se na principima utvrđenim Izbornim zakonom Bosne i Hercegovine, kao što su: zaštita tajnosti, način prebrojavanja listića, utvrđivanje rezultata, mehanizam posmatranja, zaštita osoba sa posebnim potrebama i drugo .

**Član 9.**  
**(Kandidatura i rokovi)**

- (1) Kandidatura za člana Vijeća mjesne zajednice podnosi se za mjesno područje u sastavu mjesne zajednice u roku od najmanje deset dana prije dana održavanja izbora, Izornoj komisiji/Izbornom povjerenstvu.

**Član 10.**  
**(Pravo kandidiranja)**

- (1) Pravo kandidovanja članova Vijeća imaju građani sa prijavljenim mjestom prebivališta u konkretnoj mjesnoj zajednici, predstavnici udruženja građana i nevladinih organizacija kao i politički subjekti koji djeluju na području Općine Maglaj.
- (2) Uz kandidaturu iz prethodnog stava moraju se priložiti pismene izjave kandidata o prihvatanju kandidature.
- (3) Kandidature za člana Vijeća mjesne zajednice ovjerava Izborna komisija/Izorno povjerenstvo nakon što utvrdi da kandidat ispunjava propisane uslove i da ima prebivalište na mjesnom području za koje podnosi kandidaturu i da je priložena pismena izjava kandidata o prihvatanju kandidature.

**Član 11.**  
**(Sačinjavanje kandidatskih listi)**

- (1) Na osnovu ovjerenih kandidatura sačinjava se kandidatska lista za mjesno područje.

**Član 12.**  
**(Sadržaj glasačkih listića)**

- (1) Izbori za članove Vijeća mjesne zajednice održavaju se jedinstveno za područje mjesne zajednice.
- (2) Glasачki listić treba da sadrži:
  1. datum izbora;
  2. naznaku da se izbori vrše za Vijeće mjesne zajednice i naziv mjesne zajednice;
  3. kandidatske liste za članove Vijeća mjesne zajednice po mjesnim područjima sa naznakom koliko se članova bira za određeno mjesno područje;
  4. uputstvo o načinu glasanja i ispunjavanja glasačkog listića.

**Član 13.**  
**(Izabrani kandidat)**

- (1) Za člana Vijeća mjesne zajednice izabran je kandidat koji dobije najviše glasova svih građana mjesne zajednice.

**POGLAVLJE IV POSTUPAK VERIFIKACIJE KANDIDATA**

**Član 14.**  
**(Rezultati glasanja)**

- (1) Izborna komisija/Izorno povjerenstvo utvrđuje rezultate obavljenih izbora za članove Vijeća mjesne zajednice i sačinjava Izvještaj koji dostavlja Općinskom vijeću.
- (2) Općinsko vijeće razmatra izvještaj Izborne komisije/Izbornog povjerenstva i verifikuje rezultate.
- (3) Odluka o utvrđivanju rezultata obavljuje se u „Službenim novinama Općine Maglaj“
- (4) Nakon verifikacije iz prethodnog stava izabranim članovima Vijeća mjesnih zajednica Izborna komisija/Izorno povjerenstvo izdaje uvjerenja o dobijenim mandatima čime oni stiču prava i dužnosti utvrđene Statutom i ovom Odlukom.

**Član 15.**  
**(Prestanak mandata)**

- (1) Ukoliko članu Vijeća mjesne zajednice prestane mandat prije isteka vremena na koji je izabran, upražnjeni mandat dobija slijedeći kandidat po broju glasova dobijenih na izborima na kandidatskoj listi za isto mjesno područje.

## **POGLAVLJE V PRELAZNE I ZAVRŠNE ODREDBE**

### **Član 16. (Zaštita prava)**

- (1) Zaštitu izbornih prava u izborima za članove Vijeća mjesnih zajednica osiguravaju Izborna komisija/Izorno povjerenstvo i Općinsko vijeće.
- (2) Izborna komisija/Izorno povjerenstvo ima prvostepenu nadležnost za odlučivanje o svim pitanjima zaštite izbornog prava i treba, ukoliko ustanovi bitne nepravilnosti, poništiti izbore za određeno biračko mjesto.
- (3) Općinsko vijeće ima drugostepenu nadležnost odlučivanja i može poništiti izbore u određenoj mjesnoj zajednici.
- (4) U zaštiti izbornih prava primjenjuju se rokovi, kriteriji i procedure utvrđene Izbornim zakonom Bosne i Hercegovine .

### **Konstituisanje Vijeća mjesne zajednice**

#### **Član 17. (Konstituisanje vijeća mz)**

- (1) Prva sjednica Vijeća mjesne zajednice održat će se najkasnije u roku od trideset dana od dana objavljivanja rezultata izbora, u „Službenim novinama Općine Maglaj“.
- (2) Sjednica može biti održana uz prisustvo najmanje dvije trećine izabranih članova.
- (3) Vijeće mjesne zajednice donosi odluke većinom glasova ukupnog broja članova prisutnih članova..
- (4) Prvu sjednicu novoizabranog Vijeća mjesne zajednice saziva predsjednik prethodnog Vijeća, odnosno najstariji član novog saziva.

#### **Član 18. (Izbor predsjednika)**

- (1) Vijeće mjesne zajednice na prvoj sjednici bira predsjednika iz reda svojih članova.
- (2) Predsjednik Vijeća mjesne zajednice bira se većinom glasova izabranih članova, javnim glasanjem, na osnovu izloženog programskog dokumenta.

**Član 19.**  
**(Mandat predsjednika)**

(1) Mandat predsjednika Vijeća traje koliko i mandat članova koji su ga izabrali, a ostaje na dužnosti do izbora novog predsjednika Vijeća.

(2) Predsjednik Vijeća mjesne zajednice je nadležan da:

- predstavlja mjesnu zajednicu,
- saziva i predsjedava Vijećem,
- predlaže dnevni red i određuje dan i vrijeme održavanja sjednice,
- realizuje odluku Vijeća o sazivanju Zbora građana jedinstveno ili po mjesnim područjima,
- odgovoran je za izvršavanje odluka Vijeća,
- ostvaruje saradnju mjesne zajednice sa Općinskim vijećem i Općinskim načelnikom,
- te prisustvuje sjednicama Općinskog vijeća,
- ostvaruje saradnju mjesne zajednice sa drugim mjesnim zajednicama i pokreće saradnju po pitanjima od zajedničkog interesa,
- osigurava blagovremeno i potpuno informisanje o aktivnostima i inicijativama organa mjesne zajednice,
- obavlja i druge dužnosti koje mu se dodjeljuju od strane Općinskog vijeća, Općinskog načelnika i organa mjesne zajednice.

**Član 20.**  
**(Smjena predsjednika)**

(1) Predsjednik Vijeća mjesne zajednice može biti smijenjen prije isteka vremena na koje je izabran većinom glasova izabranih članova Vijeća.

**Član 21.**  
**(Zamjenik predsjednika)**

- (1) Vijeće mjesne zajednice ima zamjenika predsjednika koji zamjenjuje predsjednika na njegovim funkcijama u slučaju odsutnosti ili spriječenosti i surađuje sa predsjednikom u izvršavanju odluka Vijeća.
- (2) Zamjenik predsjednika Vijeća mjesne zajednice bira se i smjenjuje na način i po postupku izbora predsjednika Vijeća.

**Prelazne odredbe**

**Član 22.**  
**(Provedbeni rok)**

- (1) Vijeća mjesnih zajednica dužna su da provedu usklađenja Statuta mjesnih zajednica do 1. marta 2018. godine sa odredbama ove Odluke u dijelu koji opisuje izborni proces u mjesnim zajednicama .

**Završne odredbe**

**Član 23.**  
**(Finansijska sredstva)**

- (1) Finansijska sredstva za provođenje izbora za organe mjesnih zajednica osigurava Općinsko vijeće kroz Budžet/Proračun za godinu u kojoj se održavaju izbori.

**Član 24.**  
**(Sazivaje zbora građana)**

- (1) Sazivanje Zbora građana mjesne zajednice u kojoj se vrši izbor za članove Vijeća mjesne zajednice, obavlja predsjednik aktualnog Vijeća mjesne zajednice , u saradnji i dogovoru sa Izbornom Komisijom za mjesne zajednice.
- (2) Ukoliko se iz bilo kojeg razloga, aktuelni saziv Vijeća mjesne zajednice , ne izvrši pripreme, odnosno ne sazove Zbor građana na kojem će se obaviti izbori za Vijeće mjesne zajednice , sve provedbene radnje preuzima Izborna Komisija /Izorno povjerenstvo mjesnih zajednica .

**Član 25.**  
**(Transparentnost oglašavanja)**

- (1) Organ koji saziva Zbor građana na kojem se vrše izbori za članove Vijeća mjesne zajednice , obavezan je da na sve pogodne i dostupne načine (oglasne ploče, pisana obavještenja, plakati, leci, društvene mreže, web stranica Općine Maglaj itd.)

blagovremeno obavijesti građane u mjesnoj zajednici o terminu i mjestu održavanja Zbora građana .

**Član 26.**  
**(Prestanak primjene)**

- (1) Danom stupanja na snagu ove Odluke prestaju da važe dosadašnje odredbe Statuta mjesnih zajednica koje regulišu ovu oblast odnosno koje se odnose na izbore za saziv Vijeća mjesnih zajednica.

**Član 26.**  
**(Stupanje na snagu)**

- (1) Ova Odluka stupaju na snagu osmog dana od dana objavljivanja u „Službenim novinama Općine Maglaj“ .

**Broj:**

**Predsjedavajuća Općinskog vijeća**

**Datum:**

**Svjetlana Zamboni**



## **OBRAZLOŽENJE**

### **I PRAVNI OSNOV**

Pravni osnov donošenja ove Odluke sadržan je u Zakonu o principima lokalne samouprave „Službene novine FBiH“, broj: 51/09 kao i Statuta Općine Maglaj, („Službene novine Općine Maglaj“, broj: 8/07,3/08 i 6/08) te Poslovníkom o radu Općinskog vijeća Maglaj („Službene novine Općine Maglaj-Prečišćen tekst broj: 2/13).

### **II RAZLOZI ZA DONOŠENJE**

Razlozi za donošenje ovog akta podržani su Zaključkom Općinskog vijeća broj: 02-05-1-1627/17 od 07.07.2017. godine kojim je oformljena je mješovita radna grupa u sastavu od : predstavnika političkih partija koji participiraju u Općinskom vijeću i to: Munib Jusufbašić i Aziz Hasanić iz SDA Maglaj, Hajrudin Ferić iz DF Maglaj, Elvir Vehabović iz SBiH Maglaj i Josip Jurišić iz HDZ Maglaj kao i koordinatora aktivnosti Azre Čakrama iz Službe za boračko-invalidsku, socijalnu zaštitu opću upravu i društvene djelatnosti. Imenovani su na svoje 4 četiri održane sjednice donijeli prijedlog Odluke za izbor vjeća mjesnih zajednica i koji su radili uz prisutni konsenzus diskusije i razmatranja svih prijedloga izrečenih od samih članova, te na temelju tih poslova donesena su predložena rješenja normirana kroz dostavljeni dokument Odluke. Obzirom na višegodišnji poteškoće kakao u samom odabiru Vjeća mjesnih zajednica tako i u eventualnim ostavkama koje su se pojavljivale na samom početku ili u toku tararanja mandata, izabranih lica u sazivu Vijeća mjesnih zajednica. Ranije utvrđeni pragovi vezani za brojnost u Vijeću mjesnih zajednica su se ogledali u tome da do 1000 stanovnika Vjeće mz broji 5 članova, a preko 1000 stanovnika vijeće broji 7 članova i preko 3000 stanovnika vijeće mz broji 9 članova (Slučaj u 1 mz Maglaj Grad). Radi mnogobrojnosti u mz Maglaj Grad u pogledu punoljetnih članova sa pravom glasa i pravom da biraju i budu birani u mz u čijem području imaju prebivalište.) Takav način biranja zadržan je i u ovom predloženom dokumentu. Sva pravila i principe u provođenju u svojoj temeljnoj osnovi podržavaju priovedbene procedure Izbornog zakona BIH koji je u primjeni. Izborna povjerenstva/komisije koje će Općinsko vijeće donijeti u obliku Rješenja o imenovanju i formiranju Izborne Komisije za mjesne zajednice i to sve na prijedlog političkih subjekata koji participiraju u vlasti u našoj lokalnoj zajednici te koji će nakon stupanja na snagu ove Odluke imati za potrebu i obavezu da u roku od 8 dana dostave prijedloge kandidata za Izbornu komisiju u mz- cama, a to sve sa ciljem ravnopravnog učešća u radu i praćenja samog izbornog procesa u svakoj mjesnoj zajednici ponaosob. Isto to u ovisnosti od lokaliteta izbora i mjesne zajednice u kojoj gravitiraju svaki politički subjekt treba dostaviti i podatke za biračke odbore u toj mjesnoj zajednici, odnosno podatke lica (1) jednog lica za

rad u u biračkim odborima u svojstvu člana ili promatrača procesa . Izborna komisija mjesnih zajednica će određiti mjesta i druge provedbene radnje sukladno samoj provedbenoj proceduri te za navedeno izdati određena Uputstva i druge provedbene akte i Instrukcije .

Nakon donošenja ove Odluke razlozi neophodnosti su definisani u njegovim odredbama kada eventualno lice iz Vijeća mz ,zatraži ili podnese ostavku, na povjerenu mu dužnost,a onda se rješava nesmetano nastavak rada u mjesnoj zajednici također definisano na način utvrđen u ovoj Odluci .

### **III FINANSIJSKA SREDSTVA**

Neophodno je planiranje finansijskih sredstava za izborni proces u mjesnim zajednicama za 2018. godinu (Budžeta/Proračuna Općine Maglaj) , u iznosu do 5000 KM (pet hiljada konvertibilnih maraka), ali ne i više radi naknade za rad Izborne komisije /Izbornog povjerenstva mjesnih zajednica ali i radi naknade za rad biračkih odbora i posmatrača/promatrača. Ne postoji obaveza planiranja ovog granta u 2019. godini,i dalje nego hronološki bi bila potreba ovakvog budžetiranja za 2022. godine, radi četvorogodišnjih trajanja mandata.

Kako bi mjesne zajednice imale svoje mjesto koje zaslužuju, preporuka Mješovite radne grupe koja je radila po Zaključku vijeća Općine Maglaji sa zadacima i poslovima je i uvećanje granta za redovan rad mjesnih zajednica u visini od 60.000,00 KM (šezdeset hiljada konvertibilnih maraka), kojim činom bi se predao značaj legitimno izabranim Vijeću mjesne zajednice i iz kojih sredstava mogu obezbjediti kako nesmetan rad u pogledu samofinansiranja vlastitog rada kroz naknade za rad u vijeću mz tako i za nabavku kancelarijskog materijala i drugih potrebitina odnosno neophodnih materijalno- tehničkih sredstava .

**Obradivač:**

**Mješovita radna grupa**